

HEMIPTERA NONNULLA NOVA ASIATICA.

Descripsit Dr. G. HORVÁTH Budapestinensis.

✓1. *Alcimocoris** *Potanini* n. sp.

Pallide griseo-flavescens, subtiliter nigro-punctulatus; capite cicatricibusque duabus anticis laevigatis pronoti flavo-ferrugineis, illius basi et harum limbo maculis parvis irregularibus nigris conspersis; lineis duabus longitudinalibus verticis, linea basali tyli apiceque angulorum lateralium pronoti laevigatis; latitudine pronoti inter angulos laterales longitudine corporis minore; scutello macula magna basali rubro-fusca postice trifida ornato, angulis basalibus laevigatis pallidis; antennis, rostro pedibusque flavo-testaceis, articulis duobus apicalibus antennarum annuloque obsoleto anteapicali femorum nonnihil obscurioribus; ventre flavo-testaceo, vittis duabus discoidalibus et duabus lateralibus retrorsum angustatis, nigro-punctatis signato, vittis lateralibus obsoletis; apice rostri, maculis pectoris et dorso abdominis nigris; connexivo pallido, basi et apice segmentorum nigro-punctatis; membrana hyalina. ♀. Long. 7—7½, lat. inter ang. lat. pronoti 6¼—6¾, ad basin scutelli 5—5¼ mill.

China: Tshagon et vallis fluvii Wey-ho. (G. N. POTANIN.)

Ab *A. coronato* Stål statura minore, latitudine pronoti inter angulos laterales longitudinem corporis haud superante, macula magna basali fusca scutelli pedibusque pallidis, haud nigro-vittatis distinctus.

✓2. *Menida* *quadrimaculata* n. sp.

Obovata, flavo-testacea, supra cum pectore fusco-punctata; pronoto et scutello nonnihil rubro-tinctis; capite planiusculo, densius punctato, ante oculos utrinque distincte sinuato, jugis lineolis laevigatis callosis distitutis; articulo secundo antennarum articulo tertio paullo brevior, illius basi ima articulisque tribus apicalibus plus minusve infuscatis; pronoto pone cicatrices fascia laevigata destituto, margine antico toto calloso et laevigato, marginibus lateralibus anticis levissime sinuatis et leviter reflexis, sed haud callosis, angulis lateralibus striola marginali parva nigra notatis; corio maculis duabus subrotundatis magnis cinnabarinis, una fere in medio, altera in apice mesocorii positus, ornato; membrana hyalina, apicem abdominis apud marem longe, apud feminam

* *Alcimocoris* BERGR. = *Alcinus* DALL.

vix superante; ventre pallide testaceo-virescente, subtiliter punctato, punctis decoloribus; segmento secundo ventrali tuberculo compresso, antrorsum prominulo, armato; femoribus ante apicem punctis nonnullis nigris vel fuscis conspersis, tibiis apice et tarsis fusco-testaceis. ♂. ♀. Long. corp. ♂ 5, ♀ 6 mill.

Mongolia centralis: Kara-Ssukhoi in deserto Gobi. (G. N. POTANIN.)

A speciebus congenericis capite planiusculo, marginibus lateralibus anticis pronoti subsinuatis corioque rubro-maculato facillime distinguenda.

3. *Pyrrhopleus carduelis* Stål var. *posthumus* n.

Area lævigata antica pronoti, scutello, femoribus et sapissime etiam apice capitis rufis; vertice et scutello tantum ima basi, nec non impressionibus transversis ante et pone aream anticam pronoti nigris; membrana fusca, haud pallido-limbata. ♂. ♀. Long. 10—11. mill.

Tibet: Yarkalo. (*Mus. Hung.*)

4. *Coranus Lóczyi* n. sp.

Niger, opaculus, griseo-pilosus, lobo postico pronoti et hemelytris nigro-fuscis; parte postoculari capitis versus basin sensim gracilescente, superne linea longitudinali pallida notata; antennis nigris, articulo primo, basi apiceque exceptis, sordide testaceo, capite nonnihil brevior et articulis duobus sequentibus simul sumtis longiore, articulo secundo tertio $\frac{1}{5}$ brevior, articulo quarto primo æquilongus; lobo postico pronoti dense rugoso-punctato, angulis lateralibus obtuse rotundatis, paullo prominulis, angulis posticis vix productis, margine postico medio leviter rotundato; scutello versus apicem in tuberculum altum, conicum, apice obtusum et antice albido-testaceum callosum adscendente; membrana æneo-nitente; ventre toto nigro, nitido, maculis connexivi quadrangularibus albido-testaceis; pedibus nigris, femoribus leviter nodosis, anticis superne ante apicem macula parviuscula, posterioribus antice maculis pluribus testaceis variegatis, tibiis omnibus paullo infra basin annulo distincto albido-testaceo ornatis, tibiis anterioribus præterea pone medium annulo obsoleto fusco-testaceo notatis, tibiis posticis medio latissime infuscatis; tarsis, apice excepto, fusco-ferrugineis. ♂. ♀. Long. 10 mill.

India orientalis: Calcutta. (*Mus. Hung.*)

A *C. fuscipennis* REUT., cui valde affinis videtur, differt scutello apicem versus testaceo, ventre toto nigro maculisque pallidis connexivi quadrangularibus, partes circiter $\frac{3}{5}$ apicales segmentorum occupantibus.

5. *Ectrychotes Jakowleffi* n. sp.

Obscure violaceus, nitidus; hemelytris abdomine æquilongis, atris, basi macula triangulari flavescens notatis; dorso abdominis, ventre et connexivo corallinis, maculis utrinque tribus apicalibus hujus, segmento

ventrali primo fere toto, limbo basali segmentorum tertii, quarti et quinti ventralium, maculis lateralibus segmenti quinti segmentoque sexto cum ano, nec non segmentis duobus ultimis dorsi abdominis medio obscure violaceis; trochanteribus femorumque basi, femoribus posticis ultra medium, subtus corallinis; femoribus anticis antice apicem versus tibiisque anticis medio dilute flavo-testaceis. ♂. Long. 18 mill.

China: Wain-Ssian. (*G. N. Potanin.*)

E. colorato MAYR maxime affinis et simillimus, statura multo majore autem mox distinctus.

6. *Mononyx asiaticus* n. sp.

Supra sordide griseus, subtus cum pedibus posterioribus fuscoluridus; limbo externo embolii, maculis connexivi, maculis pectoris ad coxas, pedibus anticis trochanteribusque posterioribus flavo-testaceis; pronoto utrinque rotundato-ampliato, abdomine æquilato, pone medium rugis subtilibus longitudinalibus quinque instructo, impressione transversa anteriore margine antico parallela; tuberculo mesosterni alto, conico et cruciatim carinato. ♀. Long. corp. 11¹/₂, Lat. pronoti 8 mill.

China: Flumen Poi-ho. (*G. N. Potanin.*)

M. laticolli GUÉR. affinis, pronoto abdomine haud latiore hemelytrisque tuberculis discoidalibus parvis destitutis bene differt.

Hoc genus hucusque tantum ex America et Nova Guinea cognita fuit.

7. *Leptosaltria japonica* n. sp.

Sordide olivaceo-flavescens, parce griseo-sericea; capite, limbis postico et lateralibus vittaque mediana pronoti, vittis mesonoti, pectore, operculis femoribusque dilute virescentibus; marginibus orbitalibus basin versus, macula verticis ocellos includente et antrorsum ramulos quatuor obliquos emittente, macula apicali jugorum, lineolis transversis frontis, macula parva utrinque infra antennis, marginibus arearum pronoti, vittis quatuor irregularibus, duabus mediis basalibus abbreviatis, plerumque etiam litura figuram anchoræ simulante discoidali mesonoti marginibusque imis apicalibus segmentorum dorsalium abdominis nigris; homelytris alisque vitreis, venis dilute virescentibus vel flavescens, apicem versus fuscis, costa tota fuscescente, venis angulum basalem cellularum duarum exteriorum discoidalium formantibus venisque cellulam cubitalem anteriorem postice terminantibus nigris, ramo externo venæ cubitalis cum vena radiali confluyente apicem versus calloso, lacteo, venis transversis apiceque ramorum apicalium fusco-maculatis; ventre pallido.

♂. Operculis obtusis, apice oblique rotundatis; segmento ventris secundo utrinque tuberculo parvo lobulum compressum fuscum simulante instructo. Long. corp. 36, exp. homelytr. 88 mill.

♀. Segmento ventrali ultimo apice angulariter exciso. Long. corp. 26, exp. homelytr. 86 mill.

Japonia. (*Mus. Hung.*)

Species segmento ventrali maris tantum secundo tuberculato, segmento autem tertio tuberculis omnino destituto a congenericis facillime distinguenda.

8. *Oliarus angusticeps* n. sp.

Oblongus, niger; carinis capitis et pronoti, tegula humerali homelytrorum, suturis pectoris et abdominis, tibiis, tarsis vittisque femorum pallide flavis; vertice angusto, latitudine sua basali duplo longiore; fronte longitrossum vix convexa, carina media superne anguste furcata, ramis foveolam oblongam triangularem includentibus; mesonoto carinis intermediis rufescentibus, leviter arcuatim curvatis, carinis lateralibus rectis, apicem versus levissime convergentibus; homelytris hyalinis, venis subtiliter fusco-punctulatis, pallide flavis, venis transversalibus et apicalibus late fuscis; macula stigmatica fusco-nigra, basi anguste albida; alis hyalinis, immaculatis. ♂. ♀. Long. corp. 3½, cum homelytris 5 mill.

Japonia. (*Mus. Hung.*)

O. leporino L. affinis, statura minore, vertice multo angustiore, foveola triangulari superiore frontis elongata, tegulis humeralibus totis pallidis, homelytris vitreis maculaque stigmatica fusco-nigra bene distinctus. Ab *O. Bohemani* STÅL vertice angustiore aliisque notis differe videtur.